



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Acta Synodalia Osnabrvngensis Ecclesiae, Ab Anno Christi  
MDCXXVIII.**

**Brogberen, Johannes**

**Coloniae Agrippinae, 1657**

Declaratio Ac Confirmatio Decretorum editorum circa Imagines  
Defunctorum nondum à Sede Apostolicâ Canonizatorum, cum  
splendoribus aut laureolis non proponendis, & processus pro eorum  
Beatificatione, ...

**urn:nbn:de:hbz:466:1-14298**

B.

## DECLARATIO AC CONFIRMATIO

Decretorum editorum circa Imagines Defunctorum nondum à Sede Apostolicâ Canonizatorum, cum splendoribus aut laureolis non proponendis, & processus pro eorum Beatificatione, aut Canonizatione conficiendos.

V R B A N V S P A P A V I I I.

Ad futuram rei memoriam.

**C**oelestis Hierusalem Cives, quorum gloriosis nataliis Sancta lætatur Mater Ecclesia, sicut hujus Sanctæ Sedis Apostolicæ ministerio à piis utriusque sexus Christi fidelibus venerantur in terris, ita Romanum decet Pontificem militantis Ecclesiæ Regimini divinâ providentiâ præpositum, pro suo præcipuo honoris Domus Dei zelo invigilare, ne quid in personarum cum sanctitatis aut Martyrii famâ, vel opinione defunctorum memoriam five cultum, inconsultâ Sanctâ Sede prædictâ innovetur.

§. I. Aliàs siquidem Nos sollicitè advertentes abusus, qui irrepserant, & irrepere non cessabant in colendis quibusdam cum Sanctitatis aut Martyrii famâ vel opinione defunctis, qui, etsi neque Canonizationis, neque Beatificationis honore insigniti essent ab eadem Sede, eorum tamen imagines in Oratoriis, atque in Ecclesiis aliisque locis publicis, atque etiam privatis, cum laureolis, aut radiis, seu splendoribus proponebantur, miracula & revelationes, aliaque beneficia à Deo per eorum intercessionem accepta in libris eorum ab ipsius gestarum enarrabantur, & ad illorum sepulchra tabellæ, imagines, & res aliæ ad beneficia accepta testificanda, & lampades & alia lumina apponebantur: Volentesque proinde hujusmodi abusus pro debito officii Pastoralis occurrere, re etiam cum venerabilibus Fratribus nostris S. R. E. Cardinalibus, contra hæreticam pravitatem in universa Republica Christiana generalibus Inquisitoribus ab eadem Sede specialiter deputatis, communicatâ & maturè consideratâ, ac discussâ: de eorundem Cardinalium consilio sub die 13 Martii 1625, declaravimus, statuimus & decrevimus, ne quorumvis hominum cum Sanctitatis, seu Martyrii famâ (quantacunque illa esset) defunctorum imagines, aliaque præfata & quodcunque aliud venerationem & cultum

præ se ferens & indicans, in Oratoriis, aut locis publicis, seu privatis, vel Ecclesiis, tam sæcularibus, quàm regularibus, cujuscunque religionis, ordinis, instituti, Congregationis aut Societatis apponerentur, antequam ab Apostolicâ Sede canonizarentur, aut beati declararentur, & (si quæ appositæ essent) amoverentur, prout eas statim amoveri mandavimus. Ac pariter imprimi de cætero inhibuimus libros eorundem hominum, qui Sanctitatis, five Martyrii famâ vel opinione, ut præfertur, celebres è vita migravissent, gesta, miracula vel revelationes, seu quæcunque beneficia, tanquam eorum intercessionibus à Deo accepta continentes sine recognitione, atque approbatione Ordinarii, qui in iis recognoscendis Theologos, aliosque pios ac doctos viros in consilium adhiberet: & ne deinde fraus, aut error, aut aliquid novi & inordinati in re tam gravi committeretur, negotium instructum ad Sedem Apostolicam transmitteret, ejusque responsum expectaret: Revelationes verò & miracula, aliaque beneficia supradicta, quæ in libris horum hominum vitam gestaque continentibus, eatenus sine recognitione atque approbatione hujusmodi impressa erant, nullo modo approbata censeri volumus mandavimusque. Ad horum hominum sepulchra vetuimus etiam, ac inhibuimus tabellas atque imagines ex cera aut argento, seu ex aliâ quacunque materiâ tam pictas quàm fictas, atque exsculptas appendi, seu affigi, & lampades, five alia quæcunque lumina accendi sine recognitione ab Ordinario omnino prout supra, facienda, Sedique Apostolicæ referenda ac probanda. Declarantes quod per supra scripta præjudicare in aliquo nolumus neque intendimus iis, qui aut per communem Ecclesiæ consensum, vel immemorabilem temporis cursum, aut per Patrum, Virorumque sanctorum scripta, vel longissimi temporis scientiâ ac tolerantia præfata Sedis Apostolicæ, vel

b 2

Ordinarii



Ordinarii celebrantur. Cumque postea die 2 Octobris ejusdem anni 1625 à quibusdam revocari in dubium accepissemus, an tabellas & imagines, quas impostero offerri contingent, recipere & antea oblatas conservare liceret. Nos, qui tantummodo volumus, occurrendo abusibus qui irrepere videbantur, certiore parare viam ad eorum in terris gloriam, quorum sanctimoniam divinæ clementiæ placuerit admirandis operibus illustrare: re prius cum eisdem Cardinalibus communicata, de simili eorum consilio declaravimus, quod sicut nunquam prohibuimus, nec intentionis nostræ fuit prohibere oblationem, receptionemque tabellarum & imaginum hujusmodi, ita ut deinceps nulli dubitationi locus relinqueretur. Statuimus & decrevimus, ut quoties ad aliquam Ecclesiam, aut Oratorium, locumve alium publicum sæcularem seu regularem tabellas & imagines, aliudve simile quispiam deferret ac intercessione hominum inter Sanctos vel Beatos non adscriptorum, quamvis eam Martyrii aut Sanctitatis fama demortuorum, optata se impetravisse diceret, liceret Ecclesiasticis personis Ecclesiarum, locorumve prædictorum curæ præpositis tabellas & imagines sive pictas, sive ex quavis materia factas, atque alia quæcunque collaræ gratiæ fidem facientia simul cum deferentis, aliorumque qui conscii fuissent, attestationibus recipere atque approbantibus Ordinariis, ad quos referre statim omnia tenerentur, in secreto aliquo seorsum ab Ecclesia loco custodire, ibidemque jam amota collocare & aservare, ut si quando Dominus talium virorum merita Beatificationis seu Canonizationis honore in terris decorare voluisset, extarent hujusmodi Sanctitatis qualescunque probationes Apostolicæ Sedis judicio tunc examinandæ. Demum verò, ut ejusmodi decreta observarentur indubiè, ac commodam fortiterentur executionem, cum eisdem Cardinalibus re pariter communicata, deque eorundem consilio præmissis addidimus, statuimus, decrevimus, atque declaravimus, ne extunc deinceps quispiam Ordinarius, aut ab Apostolica Sede ad hoc specialiter delegatorum, super alicujus utriusque sexus, cum Sanctitatis aut Martyrii fama vel opinione defuncti miraculis, revelationibus, aliisve ejusmodi Sanctitatem redolentibus, ex integro, informationes quoquo modo reciperet aut processum instrueret, vel hucusque receptas informationes, instructumve processum ulterius prosequeretur, nisi postulator prius per legitimam juridice susceptas probationes circa personam ejus, de cujus miraculis, revelationibus, aliisve rebus gestis sanctitatem præ se ferentibus ageretur, præscriptam in præfato nostro decreto formam omnino servatam extitisse docuerit; & nisi postea successive idem Ordinarius, aut

ab Apostolica Sede ad hoc specialiter delegatus, diligentè præhabita disquisitione circa eandem personam, supracitato decreto nullatenus contraventum esse, ritè pronunciaverit: Vtque id inviolabiliter observetur, statuimus insuper ac decrevimus, ne transmissi ad urbem undecunque hujusmodi processus, à Congregationis Sacrorum Rituum Secretario, minusve Sanctæ Fidei Promotore quomodolibet aperiantur, nisi prius in Sacrorum Rituum Congregatione, alio sejunctim oblato authentico processu, ex eo Ordinarius, aut ab Apostolica Sede specialiter delegatum ritè ac rectè, ut præmittitur, cognovisse ac pronunciavisse prælibato decreto nequaquam contrarium esse plenè constiterit, ac deinde à Nobis judicialiter aperiendi eos processus facultas indulta fuisset. Insuper longissimum tempus, illiusve immemorabilem cursum, de quo in prædicto decreto intelligi declaravimus esse tempus, centum annorum metam excedens: Deque his, atque infra scriptis omnibus, quæ in his decretis disposita & ordinata sunt, aliqua suboriente difficultate, Ordinariis locorum & delegatis Apostolicis quibuslibet omnem omnino interpretandi facultatem adimus: Iutque Sedem Apostolicam desuper confulerent, ab eaque responsum expectarent, mandavimus eisdem & aliis, prout in decretis desuper editis plenius continetur.

§. 2. Quare inviolabili decretorum prædictorum observationi, quantum cum Domino possumus, consulere volentes, motu proprio & ex certâ scientiâ, ac merâ deliberatione Nostris, deque Apostolicæ potestatis plenitudine, decreta prædicta, cum omnibus & singulis in eis contentis, tenore præsentium perpetuò approbamus & confirmamus, illisque inviolabilis Apostolicæ firmitatis robur adjicimus, omniaque & singula decreta hujusmodi ab omnibus, ad quos spectat, & in futurum quomodolibet spectabit, observari omnino præcipimus sub pœna nullitatis, quarumcunque informationum, processuum, ac interpretationis aliter, quam præviâ superscriptâ præcognitione instructorum, eorumque admissionis, publicationis, aut interpretationis; ita ut earundem informationum receptiones, processuumve instructiones, nec non eorum admissiones, ac publicationes & interpretationes habeantur pro non receptis, non instructis, non admisis, non publicatis, non interpretatis, eorumque amplius ratio aliqua nullatenus alicubi unquam haberi debeat.

§. 3. Decernentes præsentis litteras, & in eis contenta quæcunque etiam ex eo, quod quicumque in præmissis, seu eorum aliquo interesse habentes, seu quomodolibet habere prætendentes, ad præmissa vocati, & auditi, minusque cause, propter quas eadem præ-

sentis



fentes emanarint, adductæ, verificatæ, seu alias sufficienter, aut etiam nullatenus justificatæ fuerint, nullo unquam tempore de subreptionis, obreptionis, nullitatis, aut invaliditatis vitio, seu intentionis nostræ, aut alio quovis defectu etiam quantumvis magno, inexcogitato & substantiali, sive etiam ex eo, quod in præmissis, seu eorum aliquo solemnitates & quævis alia servanda & adimplenda, servata & adimpleta non fuerint; aut ex quovis alio capite à jure, vel factò, aut statuto, vel consuetudine aliqua resultante, seu etiam enormis, enormissimæ & totius læsionis, aut quocunque alio colore, etiam in corpore juris clauso, seu occasione, vel causâ, etiam quantumvis justa, rationabili & privilegiata, etiam tali quæ ad effectum validitatis præmissorum necessario exprimenda foret, aut quod de voluntate nostrâ hujusmodi & aliis superius expressis, seu relatis nihil ullibi appareret, seu aliter probari posset, notari, impugnari, invalidari, retractari, in jus vel controversiam revocari, aut ad terminos juris reduci, vel adversus illas restitutionis in integrum, aperiitionis oris, reductionis ad viam, & terminos Iuris, aut aliud quodcunque juris, facti, gratiæ, vel justitiæ, remedium impetrari, seu quomodolibet concedi, aut impetrato, vel concessio quempiam uti, seu se juvare in judicio, vel extra posse, neque ipsas præsentis sub quibusvis similibus, vel dissimilibus gratiarum revocationibus, suspensionibus, limitationibus, aut aliis contrariis dispositionibus pro tempore quomodolibet faciendis comprehendere, seu semper ab illis exceptas, perpetuoque validas, firmas & efficaces existere & fore, suosque plenarios & integros effectus fortiri & obtinere, ac per omnes & singulos, ad quos spectat, & quomodolibet spectabit in futurum, inviolabiliter observari.

§. 4. Sicque & non aliter in præmissis omnibus & singulis, per quoscunque Iudices Ordinarios & delegatos, etiam causarum Palatii Apostolici Auditores, & S. R. Ecclesiæ Auditores, etiam de latere legatos & Nuncios & alios quavis auctoritate & potestate fungentes, in quavis causâ & instantiâ, sublata eis, & eorum cuilibet quavis aliter iudicandi & interpretandi facultate & auctoritate, ubique judicari & diffiniri debere: irritum quoque & inane, si secus super his à quocunque quavis auctoritate scienter vel ignoranter contigerit attentari.

§. 5. Quocirca Venerabilibus Fratribus Patriarchis, Primatibus, Archi-Episcopis, Episcopis & aliis locorum Ordinariis, nec non dilectis filiis nostris & Apostolicæ sedis Nunciis, ac hæreticæ pravitatis Inquisitoribus ubilibet existentibus, per Apostolica scripta mandamus, ut statim atque præsentis litteræ Nostræ ad eorum, & cujuslibet eorum no-

titiam pervenerint, in sua quisque respectivè Diœcesi, vel Provincia sedulo pervigilet, ne sine approbationibus prædictis imagines cum memoratis signis exponantur, aut miracula, revelationes, ac beneficia prædicta publicentur, aliavè contra superius disposita fiant. Transgressores verò, si regulares fuerint, privationis suorum officiorum, ac vocis activæ & passivæ, nec non suspensionis à divinis: Si verò Clerici sæculares, privationis pariter suorum officiorum, suspensionis à divinis & ab administratione Sacramentorum, executioneque suorum Ordinum respectivè aliisque arbitrio prædictorum Ordinariorum, seu Inquisitorum pro modo culpæ infligendis pœnis plectendo. Qui autem libros impreserint, aut imagines pinxerint, sculpsierint, seu quoquo modo effixerint, vel formaverint, cæterique artifices circa præmissa qualitercumque delinquentes, prædicta omnia amittant, & insuper pecuniariis, aliisque etiam corporalibus pœnis juxta criminis gravitatem, eorundem Ordinariorum, seu Inquisitorum arbitrio afficiantur. Contradictores quolibet & rebelles, ac præmissis non parentes, per sententias, censuras & pœnas Ecclesiasticas, aliaque opportuna Iuris & facti remedia, omni & quacunque appellatione, recursum & reclamatione remotis compescendo, invocato etiam ad hoc, si opus fuerit, auxilio brachii sæcularis.

§. 6. Non obstantibus, quatenus opus sit, fel. record. Bonifacii Papæ VIII. etiam Prædecessoris nostri, de una, & in Concilio generali edita de duabus dictis, cæterisque in contrarium facientibus quibuscunque.

§. 7. Ut autem præsentis & in eis contenta quæcunque ad omnium notitiam deducantur, & ne aliquis de eis ignorantiam prætere possit, volumus pariter & mandamus, quod eadem præsentis per aliquem, seu aliquos ex Curforibus nostris ad Ecclesiæ Lateranensem, & Basilicæ Principis Apostolorum de urbe, nec non Cancellariæ Apostolicæ valvas, ac in acie Campi Floræ affigantur & publicentur, & cum inde amovebuntur, earundem exempla, in eisdem locis affixa dimittantur: quæ sic publicatæ & affixæ post duos menses à die publicationis computandos, omnes & singulos, quos concernunt, perinde afficiant & ardeant, ac si unicuique illorum personaliter intimatæ & notificatæ fuissent.

§. 8. Quodque illarum transumptis impressis, sigillo alicujus personæ in dignitate Ecclesiastica constitutæ munitis, & manu alicujus Notarii publici subscriptis eadem prorsus fides adhibeatur, quæ præsentibus adhiberetur, si forent exhibitæ vel ostensæ.

Datum Romæ apud S. Mariam Majorem sub Annulo Piscatoris die 5 Julii 1634. Pontificatus nostri anno undecimo.